


REVISTA SITUASAUN MAIU 2012

ASUNTU IMPORTANTE FULAN IDA NE'E:

- Violensia relacionadu ho kampaña ba Eleisaun Parlamentáriu
- Konfrontasaun entre grupu husi Aldeia

ASUNTU NE'EBÉ PRESIZA ATENSAUN

Total Insidentes ne'ebé relata:



Tendencia konfliktu fulan Maiu menus depois de prosesu eleisaun Prezidente remata. Bele hetan relatorio insidente iha www.belun.crowdmap.com

INSIDENTE RELACIONADU HO ATIVIDADE PARTIDU

Atividade partidu Politika molok tama ba Kampaña eleisaun parlamentáriu, mak fó tomada de posse ba estrutura partidu iha nivel suku, no hato'o komprimisiu politiku ba comunidade sira atu bele fó apoiu ba partidu ne'ebé lidera hodi manan iha eleisaun. Maibé observasaun Belun katak lideransa partidu balu hato'o komprimisiu partidu ho liafuan ne'ebé hamosu tensaun hodi hamosu insidente. Hanesan akontese iha dia 13 de Maiu 2012, iha Aldeia Cai Cua, Suku Cau Cua, Subdistritu Baucau Vila, Distritu Baucau, militante Partidu CNRT lori atributu partidu hanesan Bandeira CNRT lao iha area Suku Cai Cua halo asaun protesta hasoru militante Partidu Frente Mudansa, tanba liderensa balu iha deskursu bainhira hala'o tomada de posse ba estrutura partidu Frente Mudansa hato'o lia fuan dehan "traidor". Maske nune'e Xefe Aldeia Cai Cua a halo intervensaun hodi hato'o mensajen ba militante husi Partidu CNRT no Frente Mudansa atu labele kontinua halo provokasaun ba malu, nune'e militante husi parte rua fahé malu mesak.

Entretantu iha dia 27 de Maiu 2012, Subdistritu Bazartete (Liquiça) ema deskuñesidu taka tiha dalan no tuda kareta estrutura partidu Frente Mudansa nian. Insidente ne'e akontese iha tempu kalan bainhira familia ida hanesan mos militante partidu Frente Mudansa hala'o seremonia festa ba nia oan ne'ebé foin sarani. Iha seremonia ne'e mós hala'o atividade partidu hodi fó tomada de posse ba estrutura partidu nivel Aldeia. Iha tempu hanesan Polísia to'o kedas fatin akontesementu ema ne'ebé halo asaun ne'e halai lakon no Polísia kontinua fó patroliia iha fatin akontesementu.

Insidente ne'ebe involve Juventude Jan-Maiu 2012		Mudansa
Oecusse	0-0-0-0-0	positivu
Lautem	0-0-0-1-0	menus
Covalima	0-0-0-1-0	menus
Viqueque	4-1-0-2-1	menus
Dili	4-7-8-12-3	menus
Bobonaro	4-7-8-12-3	menus
Ermera	0-0-1-0-0	hanesan
Ainaru	1-2-0-0-0	hanesan
Manufahi	3-0-0-0-0	hanesan
Baucau	0-0-0-1-1	hanesan
Manatuto	0-0-0-1-1	hanesan
Aileu	1-1-0-1-1	hanesan
Liquiça	0-0-2-0-2	aumenta

VIOLENSIA RELACIONADU ENTRE JUVENTUDE



impaktu mane nain 5 hetan kanek, hanesan iha Subdistritu Dom Aleixo (1); Uatulari (viqueque) 1; Liquiça

Maske numero insidente ne'ebe involve joven tun husi 31 (Abril) to'o 12 (Maiu) durante períodu relatóriu ne'e, insidente individual hamosu eskalasaun hahú hosi ameasa verbal sira to'o violénsia físiku. Hosi insidente 11 ne'ebé relata iha Maiu, tipu ne'ebé komun liu mak baku malu entre ema nain rua hamutuk 4; Estraga propriedade 3; grupu baku malu 2; Sona malu (1); no asalta fisiku (1). Insidente sira ne'e maioria akontese iha fatin publiku hanesan dalan hamutuk 7; iha Uma hamutuk 4. Hosi insidente 11, fó



(Liquiça) 1; Maliana (Bobonaro) 1; no (Baucau) 1. Entretantu hosi insidente sira ne'e lideransa Komunitaria no Polisia halo asaun hodi resposta hodi prevene eskalasaun violensia la bele sai as.

ASAUN RESPONSA BA INSIDENTE JUVENTUDE		
Autor ba Resposta	Subdistritu	Total
Parte ne'ebe involve iha konflitu	Dom Aleixo (1)	1
Laiha resposta	Nain Feto (1)	1
Lideransa Komunitaria	Cristu Rei (1); Remexio (1)	2
Polisia	Cristu Rei (1); Manatutu (1); Uatulari (1); Liquiça (2); Maliana (1); Baucau (1);	7
F-FDTL	Maliana (1)	1

KONFRONTASAUN GRUPO ENTRE ALDEIA

Monitorizasaun Belun iha fulan Maiu insidente ne'ebe hahu hosi ema nain rua no fo impaktu ba eskalasaun violensia ne'ebe involve grupu entre Aldeia relata hamutuk 8. Insidente sira ne'e akontese iha Subdistritu Same (Manufahi) 4, Uatulari (Viqueque) 2, Cristu Rei (Dili) 1, Remexiu (Aileu) 1. Impaktu hosi insidente Subdistritu Uatulari (Viqueque) mane 1 mate, sunu uma 6. Impaktu seluk hanesan ekipamentu agrikultura balu mos ahi han hotu hamutuk ho uma. Iha Subdistritu Same (Manufahi) sasan ne'ebe hetan estraga hanesan kareta Polisia 1, restaurante 1, meza biliar 3. Entretantu husi insidente 8, insidente 1 iha Dili Lider komunitaria responde kedas no parte rua dame malu kedas. Polisia halo

REVISTA SITUASAUN: Maiu 2012

resposta ba insidente 6. No insidente 1 PPolisia la halo asaun kedas ba grupu sira ne'ebe baku estraga kareta Polisia nia, bainhira Polisia atu ba halo atuasaun ba insidente.

INSIDENTE NE'EBE PRESIZA KONSIDERA BA ATENSAUN

Distritu	Insidente Jan-Maiu	Mudansa
Lautem	0-1-0-1-1	Hanesan
Covalima	1-1-1-1-1	Hanesan
Aileu	2-1-1-0-0	Hanesan
Ainaru	1-1-0-0-0	Hanesan
Dili	1-2-0-4-3	Menus
Viqueque	2-0-0-1-0	Menus
Oecusse	0-1-0-0-0	Menus
Liquiça	3-0-0-2-1	Menus
Bobonaro	1-1-0-3-0	Menus
Baucau	0-1-0-1-0	Menus
Ermera	0-0-0-0-1	Aumenta
Manatutu	0-0-0-0-2	Aumenta
Manufahi	2-0-0-0-1	Aumenta

Insidenti liga ho konsumu Tua Manas

Dinamika konflitu impaktu husi konsumu alkohol ba violensia nafatin akontese durante periodu Janeiru- Maiu (13-9-2-13-10). Subdistritu balu iha redusaun ba numeru insidente no balu lae. Insidente 10 ne'ebe relata iha Maiu, ho tipu la hanesan. Baku malu entre ema nain rua hamutuk 8; Hateten at ho lia fuan 1; Tuda malu entre grupu 1 no Estraga propriedade 1. Impaktu hosi insidente ne'e mane nain 2 kanek, ida iha Subdistritu (Manatutu) no ida iha Same (Manufahi). Estraga propriedade hamutuk 2, akontese iha Subdistritu Zumalai (Covalima) no Lautem. Polisia resposta ba insidente hamutuk 6, Lideransa Komunitaria 1, Xefe Juventude 1, parte rua ne'ebe involve iha konflitu 1 no laiha resposta iha insidente 1. Insidente sira ne'e maioria akontese iha uma 3, fatin publiku 2 no festa 2.

Disputa Rai: Relata insidente 1 iha Maiu, liga ho Lei ba rai ne'ebe hetan veto politika husi Ex. Prezidente da Republika, Parlamentu Nasionál lakonsege debate hodi aprova ho tempu ne'ebe mandatu atu remata no maioria membru Parlamentu konsentra ba iha kampaña politika ba eleisaun parlamentáriu.

Pensaun Governu: Politika Governu hodi fasilita pagamentu ba terseira idade liu husi Banku BNCTL hahu ona Distritu balun, maibe distritu ne'ebe seidaok hahu fo impaktu nafatin mosu insidente hanesan iha Subdistritu Liquiça Señora ida diskuti malu ho funsionariu MSS tanba bainhira señora atu simu osan terseira idade hare'e lista naran iha tiha ona sinal hanesan hanehan (asina) liman ho karimbu. Funsionariu MSS halo asaun hodi kontinua pagamentu ba señora ne'e. Iha Manatutu baku malu entre membru familia ida rezulta kanek tanba hadau malu osan veteranus.

Insidente liga ho atividade Relijiaun: Konstituisaun RDTL artigu 12 deklar katak "Estadu rekuñese no respeita fiar oin-oin, ne'ebe sira-nia organizasaun iha liberdade atu hala'o atividade relijiozu sira", maibe kestaun mak Parlamentu sira no Ministeriu da Justica durante mandatu tinan lima lakonsege debate konaba dekretu lei ne'ebe hodi regula ba atividade relijiaun. Fulan Abril rezistu insidente 1 iha Subdistritu

Laulara (Aileu), no iha Maiu nafatin relata insidente 1 iha Subdistritu Cristu Rei (Dili). Maske nune'e inisiativu lider relijiozu representante Igreja Hera no Lideransa Komunitaria sira fasilita ona enkontru dahuluk entre comunidade iha Suku Hera, Cristu Rei ho Sra. ida ne'ebé hanesan responsavel ba relijiaun foun ne'e atu buka solusau. Dialogu ne'e sei kontinua hala'o bainhira Padre Igreja Hera iha prezensa. Sei fasilita no kopera hamutuk ho lider komunitariu.

Involvmentu Estudante iha Violensia: durante Maiu relata insidente 3. Insidente 1 uza metodú lori tudik akontese iha Subdistritu Cristu Rei (Dili) estudante mane ida lori tudik sona mestri tanba molok tama eskola alunus sira forma iha liur mestri ida pasa revista hodi hatama liman ba alunus fetu ida nia safa bolsu. Insidente 2 ho metodú lori fatuk ou liman.

INVOLVEMENTU AUTOR SEGURANSA IHA VIOLENSIA

Involvmentu autor seguransa iha asaun violensia laiha mudansa husi fulan- ba fulan. Iha Abril relata insidente 3. Iha Maiu nafatin relata insidente 3 ne'ebé akontese iha Subdistritu Dom Aleixo (Dili) elementus Polísia mane nain ida lori kilat baku joven mane ida no kontinua basa tan ho liman. tanba joven mane ne'e hasai Bandeira RDTL ne'ebé mak tara iha dalan ibun. Iha dia 20 de Maiu 2012, iha Aldeia Mate Lahotu, Suku Comoro, Subdistritu Dom Aleixo (Dili), elementus Polísia Fetu ida hatais sivil ho nia oan mane amiasa joven mane nain rua ne'ebé tur hela iha estrada ibun

REVISTA SITUASAUN: Maiu 2012

area Aldeia Mate Lahotu. Elementus Polísia fetu ne'e halo ameasa ba joven rua ne'e dehan imi mak abut iha bairu ne'e ka? no oan mane hosi Polísia ne'e dudu motor joven nain rua ne'e nian ne'ebé para hela ba sira nia uma. Entretantu insidente ne'e iha dia 27 de Maiu 2012, parte rua foin resolve no Polísia Fetu ne'e entrega fali motor ne'e ba joven refere.

Krimi Seluk: Monitorizasaun mós relata iha krime seluk ne'ebé relata durante Maiu hamutuk 20. Hosi insidente 19 ne'e inklui insidente Dun malu buan hamutuk 3. Problema privadu iha familia 7; Hadau malu be'e mós 1; Komprador no negociante 3; no insidente 5 ho motivu la klaru. Entertantu insidente sira ne'e hetan resposta hosi Polísia hamutuk 6; Lideransa Komunitaria 7; Administrador Subdistritu 1; Parte rua ne'ebe involve iha konflitu 1 no Laiha resposta 4. Husi insidente 19 ne'e ida rezistu iha Ministeriu Publiku.

RESPONDE BA KONFLITU



Eventu Harii Dame: Belun fasilita treinamentu transformasaun konflitu ba RPRK Subdistritu Laleia (Manatutu). RPRK Subdistritu Cristu Rei realiza semináriu konaba Prevensaun Konflitu ba Eleisaun Parlamentariu 2012. Liu hosi apresentasaun materia hosi orador hanesan: Komisariu CNE Dili, Diretór Direitus Humanus PDHJ, Diretúr JRS, CDO Subdistritu Cristu Rei reprezenta Administrador Subdistritu, no Diretór Belun. Nune'e mós RPRK iha Subdistritu Viqueque Vila realiza edukasaun sivika ba suku 4 Uma Wain Leten, Fatudere, Maluru no Uma Wain Craik liu hosi apresentasaun materia hosi orador sira hanesan : Komisariu CNE Viqueque, representante STAE Distritu

Viqueque, Komandante Polísia Distritu Viqueque, Administrador Subdistritu Viqueque Vila, Kordenador RPRK Viqueque Vila, Xefe Suku no NGO Belun.

KONA-BA REVISTA SITUASAUN NE'E

Revisaun situasaun ne'e relata kona-ba assuntu xave relaciona ho insidenti violensia no tendensia husi koleksaun data emerezensia liu husi sistema Early Warning, Early Response (EWER)-Timor-Leste durante Maiu 2012. Belun esforsu atu fahe informasaun ne'ebé up-to-date no serteza. Hanoin katak situasaun bele hetan mudansa ho lalais, ami agradese no simu informasaun seluk ne'ebé bele klarifika ka update data ne'ebé ami iha liu husi EWER. Favor email EWER nia Program Manager Marilia Oliveira da Costa (Bylah): bylah.belun@gmail.com. Imajen © Jennifer Hill & Filipe de Carvalho, Belun 2012